



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sōkratus Scholastiku Kai Ermeiu Sozomenu Ekklesiastikē
Istoria**

Socrates <Scholasticus>

Mogvntiae, 1677

Caput VI.

urn:nbn:de:hbz:466:1-14233

nibus locis potestatem habere dicitur Episcopus Alexandriae. Est autem potestas nomen generale, & ad omnia extenditur, nisi termino aliquo circumscribatur. Cum igitur Patres Nicenii nullis eam finibus constringerent, id nos temere facere non debemus. Certe Episcopi Synodi Chalcedonensis eo sensu, quem dixi, Nicenom Canonem acceperunt. Ita enim eum referunt in actione decima sexta: *οὐτε ἡ ἀπόνοια ἀπεγράφειας πάντων ἐχειται.* Sed ut omnis tollatur difficultas, videndum est, quidnam juris in Aegypto, Libya & Pentapoli, Alexandrinus Pontifex haberet ante Concilium Nicenum. Nam si ostenderimus, ante illam Synodum Episcopum Alexandriae omnium Ecclesiasticorum negotiorum potestatem in illis Provinciis habuisse, liquido apparebit, Nicenos Patres in hoc Canone non de sola ordinatione ecclesie, cum nihil ex antiqua consuetudine minuerint, sed eam potius confirmaverint.

CAPUT VI.

PRimum igitur teperio, Episcopum Alexandrinum diu ante tempora Concilii Niceni curam habuisse Pentapoecos. Cum enim Sabellius errorem suum opus Ptolemaisidem urbem Pentapoecos disseminare ccepisset, multique statim ei contradixissent ex Catholicis viris, uterque pars tam Sabellii, quam Catholicorum, Legatos misit ad Dionysium Alexandrinum Episcopum: qui auditis partibus, quid sentiendum esset definitivit, scriptisque ea de re ad Ecclesiam Ptolemaidis. Docet id Dionysius ipse in epistola ad Xystum Romanae urbis Episcopum: ejusque verba referuntur ab Eusebio in libro septimo Historie Ecclesiasticae. Idem confirmat Athanasius in libro de sententia Dionysii Alexandrini contra Arianos, cuius locum aduersus semetipsum protulit Launois. In Pentapoli superiori Lybia, quidam Episcoporum sententia Sabellii amplectebantur &c. Re cognita Dionysius ad eam curam ea Ecclesia pertinebant, Legatos misit, qui autores harum rerum ab illis pravis opinionibus retraherent. Sed & Libyam ante Concilium Nicenum, sub Alexandrii Pontificis dispositione fuisse docet idem Dionysius in epistola ad Germanum, que refertur ab Eusebio in libro septimo. Nam cum Dionysius relegatus esset in vicum Libyæ Cephron, ait, se illie verbum Dei incolis prædicasse, multosque sua prædicatione conversos fuisse ad fidem Christi. Quod quidem Episcopalis jurisdictionis esse nemo, ut opinor, ambigit. Jam vero Provinciae Thebaides ante Nicenam tempora Alexandrinus Episcopo subiacuisse, appet ex Historia Meletii. Qui cum esset Episcopus Lycopolis in Thebaide, & multa contra leges Ecclesiasticas fecisse, adeoque Diis Gentium sacrificias argueretur, collecta Synodo à Petro Alexandrinus depositus est, viginti plus minus annis ante Concilium Nicenum, ut scribit Athanasius in Apologia aduersus Arianos. Idem confirmat Epiph-

A nius in hæresi 68. ubi scribit, Meletium illum Thebaides Episcopum, subiacuisse Petro Alexandrinus Episcopo, & ad illum Ecclesiastica negotia retulisse, ex more institutoque veteri: *Hic enim mos est, inquit, Alexandrinorum Archi-episcoporum, ut per totam Aegyptum ac Thebaidem, Libyam, Ammoniacam, Mareotidem ac Pentapolim, Ecclesiastica negotia administrarent.* Non igitur solius ordinantis, sed omnium Ecclesiæ negotiorum cura per eas regiones ad Episcopum Alexandrinus pertinebat, idque ante Synodum Nicenam. Quare cum Nicenii Patres antiquas consuetudines in Aegypto firmaverint, apparet eos non de sola ordinatione locutos esse, sed de omnibus negotiis Ecclesiasticis. Omnes certe Aegypti Episcopi ita semper hunc Canonem intellexerunt, quemadmodum dictimus ex Concilio Chalcedonensi, actione 4. ubi Hieracius Episcopus Aegypti, nomine Episcoporum totius Provinciae ita dicit: *De epistola autem sanctissimi & Deo amicissimi Archiepiscopi Romani Leonis, scilicet omnibus sanctissimi Patres nostri, quia in omnibus expectamus sententiam sanctissimi Archiepiscopi; & petimus vestram clementiam expectare praesidis nostri presentiam, quia eum in omnibus sequimur. Nam & S. Patres, qui in Nicaea congregati sunt 318. hanc regulam dederunt, ut sequatur omnis Aegyptiaca Diœcesis Archiepiscopum magna urbis Alexandrina, & nihil absque ipso agatur ab aliquo ei subiecte Episcopo.*

CAPUT VII.

A Bunde, ut opinor, probavimus id, quod initio hujus disputationis polliciti eramus, Canonem sextum Concilii Niceni de Patriarchis agere, quatenus Patriarcha sunt; nec de sola ordinatione accipendum esse, sed de omni iure Patriarchico. Nunc ad reliqua pergamus. Sequitur in dicto Canone: *Quia & Episcopo Romano parvus mosest. Græcæ habent: ιπερδικον επι τη φαυη διοικητη τητο συνδικον.* Quæ verba cum sint per se manifestissima, variis tamen multorum expositionibus in absurdissimum sensum detorta sunt. Nos verbis ipsis inhaerentes, sententiam Nicenorum Patriarum investigare conabimur. Duas igitur causas decreti sui affuerunt sanctissimi Antistites, quoniamobrem scilicet Episcopus Alexandriae per Aegyptum, Libyam & Pentapolim, omnimodam habeat potestatem. Prima est, vetus consuetudo illorum locorum. Sic enim dicunt, antiqua consuetudo servetur per Aegyptum &c. Secundam deinde causam affuerunt, exemplum Episcopi Romani. Hanc enim vim habent hæc verba: *ιπερδικον επι &c.* Ubi duo notanda sunt. Primum est, Episcopum Romanum proponi quasi exemplum & normam reliquorum Patriarcharum. Deinde nihil in hoc Canone statui de Episcopo Romano, cum tamen de aliis aliquid statuatur, pura de Alexandrino, Antiocheno, & Hierosolymitano. Recepit ergo Nicolaus Papa in Epistola ad Michaëlem Impre-